



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Avgvstini Barbosæ I. V. D. Lvsitani, Protonotarii, Et
Ivdicis Apostolici designati pro Tribunali Nunciaturæ
Hispaniæ, ac insignis Ecclesiæ Vimaransensis Thesaurarij
Maioris, Collectanea Doctorvm, Qui ...**

Barbosa, Agostinho

Venetiis, 1643

13. Quarta quæ funeralium dicitur, Ecclesiæ persoluatur, non obstante, &
C.

urn:nbn:de:hbz:466:1-14108

ex eodem Aldan. citato loco, qui refert ita resolutum in Pifauren. 13. Aprilis 1630.

4. *Excommunicantur.* Non soluentes decimas, cum tenentur, posse ac debere excommunicari, probat text. in cap. omnes decima 16. quest. 1. cap. peruenit. cap. ad hoc. cap. ex parte il. 2. cap. tua nobis, de decim. Monet. d. tract. cap. 8. quest. 6. num. 64. Molin. de iustit. tract. 2. disp. 756. num. 4. censuit Rota in Dertusen. decimarum 11. Maij 1609. coram Card. Marquemont. impressa per Marches. de commission. part. 1. pag. 675. & in Mortulen. decimarum 31. Ianuarij 1614. coram Card. Sacra. 9.
5. Monitione praemissa intelligunt Perez ad tit. 5. lib. 1. Ordin. pag. 130. Rebuff. de decim. quest. 12. num. 8. & 15. Monet. d. cap. 8. num. 69. Azor. instit. moral. p. 1. lib. 7. cap. 24. quest. 17. Soar. de Relig. tom. 1. tract. 2. lib. 1. c. 37. quos refero Ego ipse in collect. ad cap. peruenit. 5. num. 2. de decim. quibus addo Aloyf. Ricc. in decis. Curia Archiep. Neapol. decis. 195. num. 6. part. 4.

6. *Nisi plena restitutione, &c.* Vide Sanch. in praecipia Decalogi tom. 1. lib. 2. cap. 20. num. 19. Nouat. d. concl. 6. Molin. d. num. 4. vers. his ita relatis.

7. Culpa sua non soluentem decimas, sed quando ad confessionem accedit, impotens est ad restituendum, posse absolui, resoluunt Nauarr. in man. cap. 17. nu. 59. Molin. citato loco, Ioan. Valer. de different. inter utrumque forum, verb. Absolutio. differ. 5. num. 5. Nouat. d. conclus. 6. num. 3. ex ea ratione, quia Concil. in praesenti non prohibet absolui nisi eum, qui pro tunc tenetur restituere, quique peccat non restituendo.

8. An autem Parochus possit denegare Sacramenta his, qui nolunt soluere decimas? Vide Aloyf. Ricc. in decis. Curia Archiep. Neapol. decis. 195. a princip. part. 4.

Vtrum autem contra repentes soluere decimas possit vicarius imponere interdictum personale, & sic prohibere ingressum Ecclesiae? vide eundem Aloyf. Ricc. Neapol. decis. 380. part. 4.

Quarta, quae funeralium dicitur, Ecclesiae persoluatur, non obstante, &c.

C A P V T XIII.

- 1 Doctores de materia cap. agentes,
- 2 Pius V.
- 3 Rota decisio.
- 4 Bulla Pij V. non fuit reuocata per Gregorium XIII.
- 5 Loquitur de priuilegijs concessis à 40. annis citra.
- 6 Quarta funeralis non debetur parochi intra cuius limites viator retentus pro delicto, & habitatus cum cautione decedit.
- 7 Quarta funeralis debetur in hoc casu.
- 8 Quarta funeralis non debetur parochi ex intortitijs, seu cereis Confraternitatum secularium funera associantium.
- 9 Intortitia & cerei, quae per viam deferuntur circa cadauer, quomodo diuidenti.
- 10 Haeredes defunctorum pro defuncto ad sepulturam associando numerum Sacerdotum conuocare, & numerum cerei statuere debent.
- 11 Vocati omnes ad funus debent conuenire ad parochialem defuncti.
- 12 Regulares vocati ad sepeliendum mortuos etiam in eorum propria Ecclesia, debent accedere ad Ecclesias, è quibus cadauera amouentur.
- 13 Confraternitates non possunt accedere ad funeralia nisi expresse vocentur.
- 14 Parochus proprius nullatenus excludendus, quamuis ad sepeliendum cadauer regulares dumtaxat à defuncto acceriri iubeantur.
- 15 Defunctorum cadauera non amouenda sine proprio parochi, nisi, &c.
- 16 Cadauera decedentium in parochia, ad cuius Ecclesiam Capitulum cathedralis translatum est, non possunt leuari per Canonicos irrequisito parochi.
- 17 Defunctorum corpora si deponantur in parochiali ad effectum deferendi ad aliam Ecclesiam, nihil debetur parochi.
- 18 Sepultura electio in alia Ecclesia praeter parochialem non potest per parochum impediri.
- 19 Habitu Religionis qui sepeliendi.
- 20 Sepulturam pro filio minori potest pater in vita, non post eius mortem eligere.
- 21 Sepulturam sibi eligendi facultatem non habens in maiorum suorum sepultura humari debet.
- 22 Sepulturae ecclesiasticae tradi debet excommunicatus, qui in mortis articulo confessionem perijt.
- 23 Funerales ducere tenetur parochus vsque ad Ecclesiam regularium.
- 24 Parochi spectat declarare per quam viam sit exportandus defunctus.
- 25 Parochus regularis vbi & quando deferat stolum.
- 26 Parochus cum stola ingreditur parochiam secularium.
- 27 Tertiarij vbi sepeliendi.
- 28 Parochus in associando eius defuncto an & quando contemnendus.
- 29 Crux vna tantum in funeralibus deferenda.
- 30 Crux propriae parochiae defuncti deferenda est in funeralibus.
- 31 Officium defunctorum super cadaueribus in Ecclesijs regularium sepeliendis faciunt ipsi regulares.
- 32 Parochi defunctorum in regularium Ecclesijs humandorum corpora vsque ad eandem Ecclesias associare potest.
- 33 Officium in tumulandis cadaueribus in Ecclesijs Regularium fieri debet per eosdemmet Regulares, non obstante quauis contraria consuetudine.
- 34 Pauperum cadauera gratis sepeliri debent.
- 35 Parochi non debent plus recipere pro tumulandis cadaueribus exterorum.
- 36 Cadaueris humatio non potest prohiberi occasione iuris sepulturae.

* De sepulta extra in 6. de inclem.

Decernit ^a sancta Synodus, quibuscumque in locis, iam ante annos quadraginta, Quarta, quae funeralium dicitur, cathedrali, aut parochiali Ecclesiae solita esset persolui, ac postea fuerit ex quocumque priuilegio, alijs monasterijs, hospitalibus, aut quibuscumque locis pijs concessa, eadem posthac integro iure, & eadem portione, quae antea solebat, cathedrali, seu parochiali Ecclesiae persoluatur: non obstantibus concessionibus, gratijs, priuilegijs, etiam Mari magno, nuncupatis, aut alijs quibuscumque.

Vide

1. **V** Ide Gutier. de iuram. confirm. p. 2. cap. 4. num. 2. & 4. Fr. Emman. quest. regular. tom. 1. quest. 39. art. 2. Franc. Leon. in thesauro fori eccles. part. 2. cap. 14. Fr. Ioan. à Cruce de statuta Relig. lib. 2. cap. 19. dub. 5. concl. 2. Fr. Ludovic. Miranda in manu. Pralat. tom. 2. q. 48. art. 7. Laurent. de Portel. dub. regular. verb. Canonica portio. late Rota apud Tamburin. in fine tom. 3. de iure Abbatum decis. 83. cum seqq.
2. Extat ad huius decreti intelligentiam Bulla Pij V. incip. Et si Mendicantium, 17. Kalend. Iulij 1567. confirmans ac de nouo concedentis omnia Ordinum Mendicantium priuilegia, sed inter alia hac de re agendo ita loquitur. *Quartam autem funeralium de qua sess. 25. cap. 13. nequaquam soluere teneantur monasteria, que à 40. annis circa fundata existunt, postquam Concilium ipsum loquitur tantum de monasterijs ante annos 20. fundatis, quæ ipsam quartam soluere consueuerunt, & ubi solui consueuit, id tantum cere, & aliorum, que in aliquibus paribus deseri contigerit tempore, quo defunctorum corpora ad sepulturam deferuntur, non autem de Missis, seu legatis, vel alijs Fratibus ipsi, seu Monialibus relictis, aut alijs quomodolibet donatis solui debet, sicque intelligi Concilij decretum quoad quartam huiusmodi soluendam debere decernimus, vbi verò non est consuetudo soluendi quartam huiusmodi, de nullo supra scriptorum solui debere declaramus, refert Lauror. var. lucubat. tom. 1. tit. 2. cap. 3. num. 182.*
3. Adest quoque ad prædictorum intelligentiam bona decis. Rotæ in vna Licen. quarta funeralium 15. Ianuarij 1618. coram Reuerendissimo D. meo Cocino, relata per me de offic. & potest. Episcop. p. 3. alleg. 86. ex num. 17. cuius particula, quæ ad rem prædictam facit, ita se habet. *Nec obstat Concil. Trident. sess. 25. cap. 13. de reform. quia cum istud monasterium sit fundatum post publicationem Concilij, & quatenus esset fundatum antea, cum non esset soluium soluere dictam quartam, Concilium ei non obstat, ut declarauit sanctissimus Pius V. in sua constit. de anno 1567. quam refert Archangel. Caraccia de quarta funeralium, cap. 1. Gutier. de iurament. confirm. part. 2. cap. 4. num. 3. Emman. Roder. in quest. Regularib. tom. 1. questione 41. artic. 2. & ita resoluit Congregatio Illustrissimorum interpretum, ut refert Rodrig. loco prædicto.*
4. *Nec est verum quòd prædicta constitutio Pij V. fuerit reuocata per Gregorium XI I. ut in eius Bulla quam refert Nauar. in man. cap. 27. in fine, quia cum dicta Bulla Pij plura contineret, per Gregorium rescissa fuit ad terminos Concilij, ut censuit Sacra Congr. Illustriss. Interpretum, sicut refert Caraccia loco citato, qui etiam in sine tractatus refert ipsam declarationem, bene aduertit Gutier. loco citato. Hactenus dicta decisio, quæ etiam reperitur impressa apud Tamburin. in fine tom. 3. decis. 84.*
5. Loqui Concilium in præsentem de priuilegijs concessis à 40. annis circa, & non procedere in priuilegijs antiquissimis concessis per 40. annos ante publicationem Concilij. refert decisum Lauror. d. cit. 2. cap. 3. num. 183.
- Regulares tenentur soluere Parochijs quartam funeralem non obstantibus priuilegijs, in quibus adest claus. *Salua iustitia Parochialium Ecclesiarum* Rota apud Tamburin. in fine tom. 2. de iure Abbatum decis. 83. vbi decis. 85. tenet quòd Parochia Religiosis ratione sepulture nihil aliud possunt exigere nisi quartam eorum funeralium, quæ tempore sepulture fuerit oblata, & ibi num. 5. refert quòd Parochia in Catalonia ex statuto Pij V. nequeunt quicquam à Mendicantibus ultra quartam funeralium exigere, & decis. 87. resoluit quòd Parochus intus Ecclesias vnitas monasterijs Regularium non potest in funeribus stolum deferre, & alias functiones exercere, & ibi n. 2. ait quòd Parochus non potest se intromittere in Ecclesijs Regularium dū cad. uera in eisde sepeliuntur.
- Quarta funeralis non debetur Parochio, intra cuius limites viator retentus pro delicto, & habitatus cum cautione decedit stante consuetudine in ciuitate, quòd ius sepeliendi peregrinos, & viatores spectat ad Ecclesiam cathedralem, ita Aldan. in compendio Canon. resol. lib. 4. tit. 17. num. 11. Sel. in selectis Canon. cap. 92. nu. 35. auferentes ita decisum in Pisaurum. 22. Ianuarij 1628.
- Quarta funeralis debetur Parochio ex funeralibus sequenti die in alia Ecclesia ab alia in qua mortuus sepultura mandatus fuerat, factis magno adhibito Religio-

forum, & Presbyterorum, candelarum & intorffitorum numero in maiori quantitate diet præcedentis, vt per Sel. d. cap. 92. nu. 11. vbi refert ita fuisse resolutum per sacram Congr. Episcop. sub die 3. Augusti 1621.

Quarta funeralis non debetur Parochio ex intorffitijs, seu cereis Confraternitatum secularium funera associantium, ex Aldan. d. tit. 17. num. 12. vbi refert ab eadem S. Congreg. decisum in Firmana 5. Martij 1616.

Intorffitia, cerei, & candelæ, quæ per viam deferuntur circa cadauera, in quibuscunque primarijs Ecclesijs diuidenda sunt pro æquali portione inter ipsos Parochos, & ministros aliarum Ecclesiarum quarumcunque, etiam regularium, & nationalium, in quibus sepeliuntur, ac propterea quando huiusmodi intorffitia, seu cerei, & candelæ in præfatis Ecclesijs pro celebrandis diuinis officijs præsentem corpore accenduntur, finito officio extinguenda, & cuique medietas consignanda est, vt per Sel. d. cap. 92. num. 15. vbi refert decisum in Congr. RR. DD. Præfectorum Vrbijs, S. D. N. Vrbeno V I I I. approbante sub die 21. Martij 1629.

Defunctorum hæredes pro defuncto ad sepulturam associando numerum Sacerdotum sibi bene visum cõuocare possunt, & numerum cerei sibi bene visum ad cadauer sepulture associandum quolibet contrario prætextu per Parochum deducto non obstante, subministrare valent, vt per Aldan. d. tit. 17. num. 16. vbi testatur sic fuisse resolutum per sacram Congr. Episcop. in Cassan. 5. Maij 1617.

Vocati omnes ad funus debent conuenire ad Parochialem defuncti ex Aldan. d. tit. 17. num. 19. vbi dicit ita decisum per S. Congr. Rituum in Bononiens. 9. Decembris 1617. & in Tropien. 16. Februarij 1631.

Regulares vocati ad sepeliendum mortuos, etiam in eorum propria Ecclesia, debent accedere ad Ecclesias, in quibus cadauera amouctur, & inde cum clero seculari discedere, non autem expectare extra ianuam Ecclesie, & alijs se postea associari, ex Sel. d. c. 92. nu. 20. vbi testatur sic fuisse resolutum per sacram Congregat. Episcop. & Regul. in Vigleuanen. 13. Nouembris 1600.

Confraternitates non possunt accedere ad funerals mortuorum, nisi specialiter & expresse vocentur, ex Sel. d. c. 92. num. 21. vbi refert ita decisum à S. Congreg. Rituum in Bononiens. 9. Decembris 1617.

Proprius Parochus nullatenus excludendus, quamuis ad sepeliendum cadauer Regulares dumtaxat à defuncto accessitri iubeantur, ex Aldan. d. tit. 17. num. 21. vbi testatur sic resolutum per S. Congreg. Episcop. & Regular. in Montis Bilosi de anno 1581.

Defunctorum cadauera in alterius Parochia existentia, & in Ecclesijs Fratrum sepelienda, prius ad Ecclesiam Parochialem ad benedictionem, ac vltimum vale à Parochio recipiendum deferri debent. Sed si proprius Parochus ab eisdem Fratibus moneatur prius, & inquiratur ac expectetur, ipseque venire recuset, tunc ipsi Fratres poterunt supradicta cadauera ab ædibus defunctorum ad suas Ecclesias recto tramite deferre ipso Parochio etiam inuito, Aldan. vbi supra, qui refert per eandem S. Congreg. resolutum in Nepes. 11. Decembris 1615. ad 4.

Cadauera decedentium in parochia, ad cuius Ecclesiam Capitulum Cathedralis translatum est, non possunt leuari per ipsum Capitulum, seu Canonicos cathedralis Ecclesie, nisi requisito parochio dictæ Ecclesie, vt per Aldan. d. tit. 17. num. 1. vbi ait ita censuisse sacram Congr. Rit. in Thelesina 18. Augusti 1629.

Defunctorum corpora si deponantur in Parochiali, vt inde transferantur ad Ecclesiam Regularium, in qua elegerunt sepulturam, nihil debetur Ecclesie parochiali, exceptis iuribus parochialibus, ex Sel. d. c. 92. num. 2. vbi ait sic decidisse sacram Congr. Rit. in Placentina 23. Martij 1619.

Sepultura electio in alia Ecclesia præter parochialem non potest per parochum impediri, dummodo illi reseruata sit sua quarta funeralis, vt per Aldan. d. tit. 17. nu. 32. vbi ait sic fuisse resolutum per eandem S. Congreg. in Capuana 31. Martij 1629.

Suscipientes habitum Religionis à Guardiano, vel ab alio,

- alio, cui ille committendum duxerit, & cum eo decedentes in Ecclesijs eiusdem Ordinis, Ecclesiastica sepultura sunt tradendi, si Guardianus praeter habitus concessionem & receptionem praemouerit eorum cadauera, ex Aldan. *d. tit. 17. num. 3.* vbi refert decifum per S. Congr. Episcop. & Reg. in *Nepefina*, 11. Decembris 1615. ad 2.
20. Sepulturam pro filio minori 14. ann. potest pater in vita, non post eius mortem eligere, vt per Aldan. *d. tit. 17. nu. 5.* vbi refert decifum in *Foglinen*. 27. Octobris 1587.
21. Sepulturam sibi eligendi facultatem non habens in maiorum suorum sepultura humari debet, ex Aldan. *d. tit. 17. num. 8.* vbi attestatur ita censuisse sacram Congr. Episcop. in *Asculana* 21. Octobris 1616.
22. Sepultura ecclesiastica tradi debet excommunicatus, qui in mortis articulo confessionem perijt, vel Beatissimam Virginem inuocauit, vt per Sel. *d. cap. 92. nu. 14.* vbi assertit sic fuisse resolutum per eandem sacram Congr. in *Nolana* 19. Iulij 1619.
23. Funerale ducere, & profequi tenetur parochus vsque ad Ecclesiam Regularium, si in ea defunctus sepeliri debeat, vt per Aldan. *d. tit. 17. num. 23.* vbi assertit resolutum per eandem S. Congreg. Episcop. & Reg. in *Brixian*, 18. Iulij 1591. & in *Nicoteren*. 5. Iulij 1615.
24. Parochus spectat declarare per quam viam sit exportandus defunctus, & omnia necessaria vsque ad ianiam Ecclesiae Regularium, vbi sepeliendus est, ex Aldan. *d. tit. 17. num. 28.* vbi dicit decifum ab eadem Sac. Congr. in *Castellanen*, 3. Ianuarij 1594.
25. Parochus secularis sicut deiert stolam in propria parochia, & in parochia Fratrum, dum defuncti corpus in eorum Ecclesia sepelitur, ita parochus regularis in eodem casu, & eodem tempore poterit stolam deferre, non solum in propria parochia, sed etiam in parochia, defuncti, ex Aldan. *d. tit. 17. num. 31.* vbi attestatur ita censuisse sacram Congr. Rit. sub die 6. Septembris 1628.
26. Parochus Monachus in funeralibus ita potest cum stola ingredi parochiam secularium, prout seculares parochi Monachorum parochiam ingredi valent, Aldan. *d. tit. 17. num. 32.* vbi ait ita resolutum fuisse per eandem S. Congr. in *Asculana* 29. Ianuarij 1626.
27. Ternarij si qualitatibus in Bulla sel. record. Leonis X. praescriptis sint praediti, videlicet si viri collegialiter, aut claustraliter viuunt, mulieres vero virginales, vel castas, aut castam vidualem sub expresso voto, & Tertiariorum habitu vitam ducant, possunt & debent etiam inuito ac minimè requisito parochi in Fratrum Ecclesijs sepeliri, secus verò si supradictis qualitatibus careat, ex Sel. *d. cap. 92. num. 25.* vbi testatur sic fuisse resolutum per sacram Congr. Episcop. & Regular. in *Nepefina* 11. Decembris 1615. ad 1.
28. Mortui sepeliri possunt in Ecclesia in qua sepulturam elegerunt, sine praesentia Parochi, si ipse requisitus interesse recuset, vel petita licentiam deneget, vt per Aldan. *d. tit. 17. num. 35.* vbi ait sic censuisse sacram Congr. Rit. in *Capuan*. 22. Decembris 1629.
- In funeralibus est deferenda vna tantum Crux illius Ecclesiae, ad quam corpus transferretur postquam sequatur immediate personae illius Ecclesiae, & deinde ceteri secundum anterioritatem, vt per Aldan. *d. tit. 17. num. 26.* qui refert sic censuisse sacram Congregationem Rit. in *Narnien*. Septembris 1614.
- Crux propriae parochiae defuncti deferenda est in funeralibus, non autem Crux antiquae parochiae, ex qua dismembrata fuit parochia noua, de qua est defunctus, & vocati ad funus in eadem propria parochia debent conuenire, ex Aldan. *d. tit. 17. num. 40.* vbi testatur per eandem S. Congregationem fuisse resolutum in *Baron*. 22. Martij 1631.
- Clerus secularis postquam Christi fidelium cadauera in Fratrum Religiosorum Ecclesijs sepelienda associauerit, in eisdem Ecclesijs super eisdem cadaueribus officium defunctorum, Psalmos, Responsoria, aliaue preces, vel orationes recitare, aut psallere non potest. Sed ab ipsis Fratribus dumtaxat haec omnia peragenda sunt, vt per Sel. *d. cap. 92. num. 22.* vbi testatur ita fuisse resolutum per S. Congreg. Episcop. & Reg. in *Turritana* 24. Nouembris 1617. Vnde Canonici si corpora defunctorum comitari contigerit ad alienas Ecclesias recitato Psalmo *Miserere*, vel *De profundis*, super corpus defuncti, cum versiculo & oratione discedere poterunt, ex Sel. *citato loco*, qui assertit ita fuisse resolutum per eandem S. Congr. in *Cremonen*, 9. Augusti 1604.
- Parochi defunctorum in Regularium Ecclesijs humandorum corpora vsque ad eandem Ecclesias associare, ac etiam in illis permanere possunt, absque tamè eo quòd in officio decantando vllatenus se intromittat, vt per Aldan. *d. tit. 17. num. 42.* vbi dicit sic decidisse eandem S. Congr. in *Nicoteren*, 5. Iulij 1615.
- Officiu enim in tumulandis cadaueribus in Ecclesijs Regularium fieri debet per eosdem Regulares, non obitante quauis contraria consuetudine, ex Aldan. *d. tit. 17. nu. 45.* vbi ait ita censuisse sacram Congr. Rit. in *Eugubina* 12. Martij 1612. & 5. Iulij 1614. & in *Placentina*, & *Lecion*, 23. Martij 1619. & in *Catunen*, ciuitatis *Plaria* 12. Octobris eiusdem anni, & in *Sulmonen*, 8. Augusti 1629. & in *Andrien*, 18. Februarij, & 2. Martij eiusdem anni, & 5. Iulij 1631.
- Pauperum cadauera gratis sepeliri debent, vt per Aldan. *d. tit. 17. n. 50.* vbi attestatur sic fuisse resolutum per S. Cong. Episcoporum & Regul. in *Cassan*. 5. Maij 1617.
- Parochi non debent plus recipere pro tumulandis cadaueribus exterorum, vt per Aldan. *d. tit. 17. num. 51.* vbi ait decifum sub die 27. Maij 1617.
- Iuris sepulturae occasione non potest prohiberi cadaueris humatio, cum nulla ratio patiatur, Christianaeque pietati repugnans videatur, maxime verò ob pecuniarum interesse, cadauer in sepulchrum remaneret, Sel. *d. cap. 92. nu. 70.* vbi refert sic censuisse Sac. Congregat. Episcop. in *Catronen*. 17. Septembris 1617.

Clerici concubinarij puniantur post monitiones sibi factas, vt in text. & cognitio causarum concubinariorum ad Episcopos ipsos pertineat. Episcopi concubinarij moneantur à Synodo Prouinciali, & non emendati suspendantur, & perseverantes ad Papam causae deferantur.

CAPV T XIV.

- 1 Doctores de materia cap. agentes.
- 2 Statuta Concilij Trident. contra concubinarios stricte obseruanda.
- 3 Concubinaris quis dicatur in hoc decreto.
- 4 Faeminarum consortium à viris spiritualibus fugiendum.
- 5 Clerici qualem qualem suspicionem habentes à mulierum etiam in gradu propinquo sibi coniunctarum conuersatione omnino abstinerere debent.
- 6 Non procedit hoc decretum in simplici incontinentia.
- 7 Moniti specialiter, non autem generaliter debent esse concubinaris.
- 8 Non tantum in visitatione, sed & alijs quoque temporibus.
- 9 Monitio generalis facta in Synodo non suffragatur.
- 10 Tempus, quod inter vnam & alteram monitionem interuenire debet, arbitrio Episcopi relinquitur.

11 Episco-